

## CONNECT

## WORD

<sup>33</sup>“Pero may isang Samaritanong naglalakad na napadaan doon. Nakita niya ang taong nakahandusay at naawa siya.

<sup>34</sup>Nilapitan niya ang lalaki, hinugasan ng alak ang sugat, binuhusan ng langis at saka binendahan. Pagkatapos, isinakay niya ang tao sa sinasakyan niyang hayop, dinala sa bahay-panuluyan at inalagaan doon. <sup>35</sup>Kinabukasan, binigyan ng Samaritano ng pera ang may-ari ng bahay-panuluyan at sinabi, ‘Alagaan mo siya, at kung kulang pa iyan sa magagastos mo ay babayaran kita pagbalik ko.’”

LUCAS 10:33-35 (BASAHI RIN ANG LUCAS 10:30-32.)

## WHAT

Sa aklat ng Marcos 12:31, sinabi ni Jesus na mahal natin ang ating kapwa gaya ng pagmamahal natin sa ating sarili. Hindi Niya sinabi na tulungan lamang yung mga nais nating tulungan ngunit sa lahat ng mga nangangailangan. Papaano tayo madalas tumugon sa mga tao na nangangailangan? Narito ang tatlong karaniwang mga katugunan.

### 1 Maaari tayong walang malasakit at pakialam.

<sup>30</sup>Bilang sagot sa kanya, nagkwento si Jesus: “May isang taong papunta sa Jericho galing sa Jerusalem. Habang naglalakad siya, hinarang siya ng mga tulisan. Kinuha nila ang mga dala niya, pati na ang suot niya. Binugbog nila siya at iniwang halos patay na sa tabi ng daan. <sup>31</sup>Nagkataong dumaan doon ang isang pari. Nang makita niya ang taong nakahandusay, lumihis siya at nagpatuloy sa kanyang paglalakad.” LUCAS 10:30,31

Ito ang naging asal ng isang saserdote, ang unang taong nakakita nang madaanan niya ang biktima. Iniwasan niya ang bugbog-sarado na tao. Marahil inisip niya na “kung hindi ko siya pakikialaman malamang hindi ako madadamay.” Ano ba ang halimbawang ibinigay ni Jesus sa Bibliya sa pagpapakita ng malasakit sa mga nangangailangan?

---

---

---

---

## 2

### Maaaring nag-oosyoso lang tayo ngunit hindi naman tumutulong.

“Napadaan din ang isang Levita at nakita niya ang tao, pero lumihis din siya sa kabilang daan at nagpatuloy sa kanyang paglalakad.”

LUCAS 10:32

Ang ganitong asal ay mas masahol pa sa nauna. Ang unang tao na nakakita sa biktima ay binalewala lamang niya ito. Ang Levita na nakakita rin ay nag-osyoso lamang ngunit wala namang ginawang tulong sa sitwasyon. Ang osisero at walang pakialam ay magaling lang manghugsa sa biktima. Ano ba ang sinasabi ng Bibliya ayon sa paghuhugsa sa kapwa (Mateo 7:1,2)?

---

---

## 3

### Maaari naman tayong maging maawain at may pangangalaga.

<sup>33</sup>“Pero may isang Samaritanong naglalakad na napadaan doon.

Nakita niya ang taong nakahandusay at naawa siya. <sup>34</sup>Nilapitan niya ang lalaki, hinugasan ng alak ang sugat, binuhusan ng langis at saka binendahan. Pagkatapos, isinakay niya ang tao sa sinasakyan niyang hayop, dinala sa bahay-panuluyan at inalagaan doon.

<sup>35</sup>Kinabukasan, binigyan ng Samaritano ng pera ang may-ari ng bahay-panuluyan at sinabi, ‘Alagaan mo siya, at kung kulang pa iyan sa magagastos mo ay babayaran kita pagbalik ko.’” LUCAS 10:33-35

Nasa sa atin ang pagpili kung papaano tayo tutugon sa mga mahihirap at mga nangangailangan sa ating paligid tulad ng ginawa ng mabuting Samaritano. Ang mga Hudyo at mga Samaritano ay kinamumuhian nila ang bawat isa ng labis, na siya namang kinagulat ng mga tao ayon sa kwento ni Jesus na lumalabas na bayani ang Samaritano. Matutunan nating tingnan ang ating kapaligiran tulad ng pagtingin ni Jesus sa mga ito. Sino nga ba ang pinangangalagaan ng Diyos?

---

---

---

---